



Broj: 07-04-04-39-24/23
Sarajevo, 22.05.2023. godine

KANTON SARAJEVO
Skupština Kantona Sarajevo
n/r Elvedin Okerić, Predsjedavajući
- o v d j e -

Predmet: Odgovor na zastupničku inicijativu

Zastupnica u Skupštini Kantona Sarajevo Sanela Klarić, u skladu sa članom 106. Poslovnika Skupštine Kantona Sarajevo ("Službene novine Kantona Sarajevo", broj: 41/12 - Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22 - Ispravka), uputila je zastupničku inicijativu za "izmjene Zakona o koncesijama Kantona Sarajevo i Zakona o prostornom planiranju Kantona Sarajevo kojim bi se fizičkim licima ubrzao i pojednostavio postupak izgradnje solarnih elektrana na postojećim krovovima".

Odgovor:

Nakon detaljnog razmatranja predmetne inicijative zastupnice u Skupštini Kantona Sarajevo Klarić Sanele u dijelu koji se odnosi na izmjene Zakon o koncesijama ("Službene novine Kantona Sarajevo", br. 27/11, 15/13 i 1/22), Ministarstvo privrede Kantona Sarajevo, u okviru svoje nadležnosti, daje sljedeći odgovor: Prije svega, ovo Ministarstvo ističe da je na snazi Zakon o koncesijama ("Službene novine Kantona Sarajevo", br. 27/11, 15/13 i 1/22). Članom 6. stav (1) tačka 4) ovog Zakona o koncesijama propisano je da je predmet koncesije - izgradnja i/ili korištenje postrojenja za pretvaranje energije sunca u električnu energiju, a tačkom 5) istog stava ovog člana propisano je da je predmet koncesije - izgradnja i/ili korištenje kombinovanih postrojenja za pretvaranje pogonske snage vjetera i energije sunca u električnu energiju. Dalje, a u vezi sa tim, potrebno je posebno istaći činjenicu - da je članom 6. stav (4) ovog Zakona o koncesijama propisano sljedeće: **"Pravno ili fizičko lice koje je vlasnik i/ili korisnik mikropostrojenja za proizvodnju električne energije iz obnovljivih izvora energije na području Kantona, instalisane snage u zbiru do 23 kW, izuzeto je iz obaveze potpisivanja koncesionog ugovora."** Naime, ovu odredbu kojom se odnosni subjekti izuzimaju iz obaveze potpisivanja koncesionog ugovora, Ministarstvo privrede Kantona Sarajevo, nakon detaljne analize, kao nosilac izrade Zakona o izmjenama i dopunama Zakona o koncesijama ("Službene novine Kantona Sarajevo", broj 1/22), predložilo je iz sljedećih osnovnih razloga: Prvo, treba naglasiti da se u ovom slučaju radi o mikropostrojenjima i da se proizvodi električna energija iz obnovljivih izvora energije ("zelena energija"), kojim se u Kantonu Sarajevo poboljšavaju okolišni aspekti i odnosni aspekti u elektroenergetskom sistemu, te da se ovom koncesionom pogodnosti stimulira ulaganje u izgradnju i korištenje ovih postrojenja za proizvodnju električne energije, čime se postižu, pored ostalih, ekonomski efekti i smanjenje broja

nezaposlenih. Zatim, treba naglasiti da subjekti koji grade i/ili koriste ova mikropostrojenja imaju određene dodatne pogodnosti propisane drugim propisima, kao što su Zakon o električnoj energiji u Federaciji BiH i Zakon o korištenju obnovljivih izvora energije i efikasne kogeneracije.

Dalje, a u vezi sa navedenim, potrebno je istaći sljedeće činjenice: 1) U skladu sa članom 13. stav (1) tačka i) Ustava Kantona Sarajevo ("Službene novine Kantona Sarajevo", br. 1/96, 2/96 - Ispravka, 3/96 - Ispravka, 16/97, 14/00. 4/01, 28/04, 6/13 i 31/17), korištenje prirodnih bogatstava je zajednička nadležnost kantona i Federacije Bosne i Hercegovine; 2) Kada je u pitanju koncesiono pravo, odnosno predmeti koncesije, između Kantona Sarajevo i Federacije Bosne i Hercegovine, ovo pitanje je regulisano Zakonom o koncesijama ("Službene novine Federacije BiH", br. 40/02 i 61/06) i Zakonom o koncesijama ("Službene novine Kantona Sarajevo", br. 27/11, 15/13 i 1/22); 3) U Federaciji Bosne i Hercegovine na snazi je Zakon o koncesijama ("Službene novine Federacije BiH", br. 40/02 i 61/06), a u Kantonu Sarajevo na snazi je Zakon o koncesijama ("Službene novine Kantona Sarajevo", br. 27/11, 15/13 i 1/22); i 4) Zakon o koncesijama ("Službene novine Kantona Sarajevo", br. 27/11, 15/13 i 1/22) je u cijelosti usklađen sa Zakonom o koncesijama ("Službene novine Federacije BiH", br. 40/02 i 61/06). Također, treba istaći i činjenicu - da bilo koja odredba Zakona o koncesijama ("Službene novine Kantona Sarajevo", br. 27/11, 15/13 i 1/22) nije u suprotnosti sa bilo kojom odredbom Zakona o električnoj energiji u Federaciji Bosne i Hercegovine ("Službene novine Federacije BiH", br. 66/13, 94/15, 54/19, 1/22 i 61/22) i Zakona o korištenju obnovljivih izvora energije i efikasne kogeneracije ("Službene novine Federacije BiH", br. 70/13 i 5/14), a koji zakoni su na snazi.

S obzirom na navedeno, proističe zaključak - da je neosnovana predmetna zastupnička inicijativa u dijelu koji se odnosi na izmjene Zakon o koncesijama ("Službene novine Kantona Sarajevo", br. 27/11, 15/13 i 1/22). Kad je u pitanju set novih zakona: Zakon o energiji i regulaciji energetske djelatnosti u Federaciji Bosne i Hercegovine, Zakon o električnoj energiji Federacije Bosne i Hercegovine i Zakon o korištenju obnovljivih izvora energije i efikasne kogeneracije, koji zakoni su sada u fazi nacrtu zakona, Ministarstvo privrede Kantona Sarajevo, ovim putem, napominje - da se ne mogu prejudicirati zakonska rješenja koja su u proceduri donošenja.

S poštovanjem,



Dostaviti:

1. Naslovu,
2. Vlada Kantona Sarajevo,
3. Evidencija i
4. a/a.